



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, 1599

VD16 B 1607

V. De hæreticis, qui libros Testamenti veteris primi ordinis oppugnârunt.

[urn:nbn:de:hbz:466:1-53828](https://nbn-resolving.de/urn/resolver.pl?urn=urn:nbn:de:hbz:466:1-53828)

Ex Græcis Patribus **Origenem** apud Eusebium lib. 6. hist. cap. 18. Ipsum verò Eusebium lib. 4. hist. cap. 25. **Athanasiū** in Synopsi, **Gregorium Nazianzenum** in lib. de genuinis scripturis carmine conscripto, **Epiphanius** in lib. de mensuris & ponderibus. Item eūdem aduersus hæresim Anomæorum, **Cyrillum Hierosolymitanum** Catechesi 4. **Ioannem Damascenum** lib. 4. de fide, cap. 18.

Ex Patribus Latinis, **Hieronymum**, cùm in prologo **Galeato**, tum in epistola ad Paulinum de studio sanctorum Scripturarum, **Rufinum** in explicatione symboli, **Augustinum** lib. 2. de doctrina Christiana, cap. 8. **Hildorū** lib. 6. Etymologiarum, cap. 1. His adde tres alios scriptores, qui solius Testamenti veteris libros recensent, **Iosephum** lib. 1. aduersus Apionem, **Melitoneum Sardensem**, apud Eusebium lib. 4. hist. cap. 26. & **Hilarium** præfatione in Psalmos.

Porrò ceteri Patres **Iustinus**, **Irenæus**, **Basilius**, **Tertullianus**, **Cyprianus**, **Ambrosius**, omnesque alij, cùm Græci, tum Latini, quamvis diuinorum librorum seriem non describāt, passim tamen eorum testimoniis sic vtuntur, vt eos omnes in sacris diuinisque libris à se habitos, non obscurè testentur.

CAPVT V.

De hæreticis, qui libros Testamenti veteris primi ordinis oppugnârunt.

ET si verò in Ecclesia Catholica, Orthodoxorum omnium consensione, enumeratorum librorum semper viguit auctoritas: non defuere tamē hæretici, qui libris iisdem omnem prorsus auctoritatem detrahere niterentur. Quoniam autem illas corum hæreses, maiorum nostrorum diligentia iamdudum extintas ac sepultas, rursum hoc nostro seculo **Sixtus Senensis** in extrema sua bibliotheca stylo prosequutus est: quām breuissimè potero ab antiquis istis non tam hostibus, quām vnibris hostiis me expediam. Igitur decem & octo hæreses aduersus eos libros, quos in primo ordine recensuimus, diuersis temporibus extiterunt.

PRIMA

PRIMA eorum est, qui libros Testamenti veteris, quod eos à malo Deo quodam dictatos existimarent, in uniuersum respuebant. Ita sensere primū Simoniani, Basiliidiani, Marcioniti apud Irenæum lib. I. cap. 20. 22. 29. deinde Manichæi apud Epiphanius hær. 66. Bogomiles apud Euthymium Panopliæ parte 2. tit. 23. cap. 1. Albigenses apud Antoninum; parte 4. tit. II. cap. 7. Nostro etiam seculo quindecim Anabaptistarum praedicantes in colloquio Franckental, vetus Testamentum haud aliter in disputationem fidei admittendum censuerunt, quam quatenus cum novo Testamento concordat.

Refellunt hanc hæresim Epiphanius in hæresi Manichæorum, Augustinus cùm in lib. aduersus Faustum Manichæum, tum in aliis duobus contra aduersarium legis & Prophetarum, & Petrus Cluniacensis in epistola contra Petrobrusianos.

Et sanè mirandum videtur, eos hæreticos, qui Testamenti noui libros venerabantur, contemnere potuisse libros Testamenti veteris, cùm hi ab illis & plurima & luculentissima suæ auctoritatis habeant testimonia. Necesse est, inquit Dominus, Lucæ ultimo, impleri omnia quæ scripta sunt in lege Mosis, & Prophetis, & Psalmis de me. Et Apostolus Rom. primo: Paulus, inquit Apostolus, segregatus in Euāgelium Dei, quod antè promiserat per Prophetas suos in Scripturis sanctis; & rursus ad Galatas 4. Scriptū est, quia Abraham duos filios habuit, vnum de Ancilla, & vnum de libera, quæ sunt per allegoriam dicta; hæc enim sunt duo Testamenta. Item alibi ad Hebræos primo; Multifariam multisque modis, omnium Deus loquens Patribus in Prophetis, nouissimè loquutus est nobis in Filio, &c.

ALTERA hæresis Ptolomæi cuiusdam fuit: qui (vt Epiphanius refert hær. 33.) legem Mosis tres in partes diuidebat: Atque unius quidem mundi opificem auctorem faciebat; alterius, Mosem; tertiaræ, seniores synagogæ. Nec verò mundi opifex Ptolomæo Deus verus erat, sed medium quoddam numen inter Deum & diabolum. Itaque non modò legem uniuersam, sed nec ullam eius partem, sacram diuinamque esse censebat.

Refellit hanc hæresim Zacharias apud Lucam , cap. 1. vbi restatur Dominum Deum Israël loquutum esse per ora Sanctorum, qui à seculo sunt, id est, omnium Prophetarum eius. Refellit eandem Apostolus Paulus, cùm omnem Scripturam diuinitùs inspiratam esse affirmat, 2. Timoth. 3.

TERTIA est hæresis Theodori Mopsuestiæ Episcopi, qui Prophetas omnes non quidem aperte reiicit, sed dum impudenter affirmat, nihil eos de Christo vñquam prædixisse (vt ex fragmentis commentariorum eius, quæ in quinta Synodo, collat. 4. recitantur, intelligi potest) cùm ipsorum Prophetarum vilitatem & auctoritatem nimium extenuat, tum ipsum Christum & Apostolos clarissimorum mendaciorum reos facit. Quid enim aliud, quām mendacium erit, quod ipsa veritas de se ait, cùm perlepto testimonio Isaiæ subiunitur Lucæ 4. Hodie impleta est hæc Scriptura in auribus vestris? quid aliud quām mendacium erit, quod Actorum 10. Petrus ait; Huic omnes Prophetæ testimonium perhibent?

Omitto cetera Prophetarum testimonia, quæ passim in Testamento nouo de Christo ab Euangelistis & Apostolis explicantur. Tot enim sunt, vt breui enumerari non possint. Vide Matth. 1. 2. 4. 12. 21. 27. Marc. 12. 15. Luc. 11. Ioan. 2. 12. 19. Actorum 2. 4. 13. Ephes 4. Ad Hebræos 1. 10. &c.

QVARTA hæresis Psalmos Dauidis, vt humana, vel prophana potius cantica, sine ullo diuino afflato conscripta, repudiatur. Auctores huius erroris Philastrius in catalogo hæret. cap. 127. Nicolaitas, & Gnosticos facit. Paulum Samosateum, scriptum reliquit Eusebius lib. 7. hist. cap. 25. Psalmos illos, qui in Christum canebantur, tanquam recens excogitatos, de Ecclesia sustulisse.

Sed fortasse Paulus iste non tam Psalmos Dauidis, quām Hymnos aliquos Ecclesiasticos ab Ecclesia sua remouit. Neque enim credibile est, Dauidis Psalmos post tot secula Samosateno recens excogitatos videri potuisse. Sanè deliramentum hoc refellunt apertissimis verbis, cùm ipse Dauid, tum etiam Christus & Apostoli. Hæc sunt nouissima verba, inquit auctor libri Regum 2. Reg. 23. quæ locutus est Dauid filius Isai: dixit vir, cui constitutum est de Christo Dei Iacob, egregius Psaltes Israël; Spiritus Domini locutus est per me, & ser.

& sermo eius per linguam meam ; & Dominus Matthæi 22. " Quomodo ergo Dauid in spiritu vocat eum Dominum dicens : Dixit Dominus Domino meo , sede à dextris meis ? " quæ verba in 109. Psalmo scripta leguntur. Et Apostoli omnines una voce : Tu Domine, inquit, Auctorum 4. qui Spiritu sancto per os patris nostri Dauid pueri tui dixisti ; Quare tremuerunt gentes , Psalm. 2. Denique Apostolus Paulus in epistola ad Hebræos cap. 3. Sicut dicit, inquit, Spiritus sanctus : hodie si vocem eius audieritis. quæ sunt verba Psalmi 94.

QUINTA hæresis Hebræorum est, qui in Thalmud ord. 4. tract. 3. nec librum Iob in diuinis voluminibus habent, nec ipsum Iob vñquam vixisse inter homines putant. Postiores Rabbini, vt R. Salomon, R. Leui ben Gerson, & alij nonnulli librum quidem recipere videntur, quippe quem commentariis illustrare conati sunt : sed ipsum Iob non semel, nec leuiter reprehendunt. Siquidem R. Salomon audacter affirmat, sanctum Iob impatientem calamitatis, quæ illi acciderat, non verbis, sed corde peccasse. R. autem Leui ulterius progressus scribit, hunc beatum virum abnegatæ prouidentiæ diuinæ, resurrectionisque mortuorum iustissimas pœnas dedisse.

Martinus quoque Lutherus in conuiualibus sermonibus, tit. de Patriarchis & Prophetis, affirmat se non credere omnia ita esse gesta, vt in libro Iob narrantur. Et rursus tit. de libris veteris & noui Testamenti, ait, librum Iob esse veluti fabulæ argumentum, ad proponendum patientiæ exemplum.

At profectò, nec historiam Iob esse confictam, & ipsum Iob verè sanctum atque perfectum virum fuisse, locupletissimus testis aduersus Hebræos Ezechiel esse potest. Si steterit, inquit Deus per Ezechielem capite 14. in medio Noë, Daniel & Iob, ipsi in iustitia sua liberabunt animas suas : vt interim omittamus, quæ de S. Job Tobias capite 2. & Iacobus capite 5. scribunt; necnon quæ ex hoc libro cap. 5. Apostolus, vt ex reliqua diuina Scriptura, in medium adducit primæ Corinth. tertio, horum enim testimonia Thalmutistæ non recipiunt.

S E X T A hæresis eorum est hæreticorum, qui teste Philastrio in catal. hæreſeon, cap. 132. & Iacobo Christopolitano præfatione commentariorum in Cantica, librum Salomonis repudiant, qui inscribitur Ecclesiastes: quod eum librum Salomon in extrema senectute composuisse videatur, cùm deprauatus amore mulierum summum bonum in corporis voluptatibus constituebat, atq; ad Epicuri siue Aristippi Philosophiam aditum parabat.

Martinus Lutherus in conuizialibus sermonibus tit. de lib. vet. & noui Testamenti, dicit auctorem libri, qui Ecclesiastes inscribitur, sibi videri ocreis & calcaribus destitutum, equitare tantum in soccis, quemadmodum ipse soleret, cùm adhuc esset in cœnobio.

Sed tantum abest, vt Salomonis Ecclesiastes de voluptate concionetur, vt omnes potius ad humanarum rerum despiciētiam, Deique metum quasi magister morum seuerus, & „ vehemens oratione grauissima adhortetur. Quale est illud „ exordium? Vanitas vanitatum dixit Ecclesiastes, Vanitas va- „ nitatū & omnia vanitas. Ecclesiastæ primo. Qualis illa per- „ oratio? finem loquendi pariter omnes audiamus; Deum ti- „ me, & mandata eius obserua, hoc est enim omnis homo. Ec- „ clesiast. 12. Nec verò media dissentunt. Risum, inquit, cap. 1. „ reputauit errorem, & gaudio dixi, cur frustra deciperis? Et ca- „ pite tertio; Dixi in corde meo, Iustum & impium iudicabit „ Deus. Et cap. 4. Custodi pedem tuum ingrediens domū Dei, „ & appropinqua vt audias. Melior estenim obedientia, quam „ stultorum victimæ. Et cap. 5. Ne temerè quid loquaris, nec „ cor tuum sit velox ad proferendum sermonem. Et cap. 7. Me- „ lius est ire ad domum luctus, quam ad domum conuiuij. Et „ cap. 8. Quia non profertur citò contra malos sententia, abs- „ que timore vlo filij hominum perpetrât mala. Et cap. 9. Me- „ lior est sapientia, quam arma bellica: & qui in uno peccauc- „ rit, multa bona perdet. Et cap. 10. Væ tibi terra, cuius Rex „ puer est, & cuius Principes manè comedunt; Beata terra, cu- „ ius Rex nobilis est, & cuius Principes vescuntur in tempore „ suo, ad reficiendum, & non ad luxuriam. Denique cap. 11. Sci- „ to, quod pro his omnibus adducet te Deus in iudicium. Au- „ feriram à corde tuo, & amoue malitiam à carne tua; Ade- „ scentia enim & voluptas vanasunt. Num ista sapiunt Aristip- „ pum?

pum? An ne vñquam ex Epicuri officina tam seuera præcepta prodierunt?

Quòd si Ecclesiastes interdum edendi & bibendi delectationem non esse aspernandam præcipit, non eò facit, quòd omnia voluptate metiatur, sed vt auaros & sordidos quosdam perstringat, qui malunt necessariis ac licitis vitæ humanae commodis & delectationibus se ipsos fraudare, quām de cumulo pecuniarum vel minimum detrahere.

Nec pauca etiam sunt, quæ in hoc libro non ex sententia Salomonis, sed ex vulgi, atq; insipientium, & voluptariorum hominum opinione dicuntur; quod eleganter & copiosè demonstrat S. Gregorius lib. 4. Dialog. cap. 4.

Sed nec illud verè ab hæreticis affirmatur, librum hunc eo tempore esse conscriptum, quo Salomon amore mulierum corruptus erat, id quod quatuor rationibus demonstrari potest. Primum enim in 3. lib. Reg. cap. 4. & 11. & in eo libro qui Ecclesiasticus inscribitur, cap. 47. cùm ordine recenseantur acta Salomonis, prius de libris eius, quām de amoribus narratur.

Deinde in hoc ipso libro, de quo agimus, constanter affirmat Ecclesiastes, sapientiam suam, quam videlicet diuino munere quandam acceperat, ad eam vsq; ætatem secum permansisse. Sapientia quoque, inquit capite secundo, perseuerauit mecum, non est autem verissimile, cœlestis sapientiae lumen cum ea cordis depravatione simul habitare potuisse, de qua loquitur Scriptura, cùm ait 3. Reg. 11. Et auerterunt mulieres cor eius. Cumque iam esset senex, depravatum est cor eius per mulieres, vt sequeretur Deos alienos.

Deinde in secundo capite huius libri enumerat Salomon omnes delicias suas, palatia, piscinas, pomaria, seruos, ancillas, cantica, modulationes, aurea vasa atque argentea, & alia id genus permulta: tot verò concubinarum atque vxorum, præ quibus omnes alias delicias facile contemnebat, quęque solæ cor eius emollire atque corrumpere potuerunt, ne meminit quidem. Amare igitur nondum cœperat, quo tempore librum hunc conficiebat.

Postremò, quis credat ab animo illo tam molli, atque effeminato, qualis erat Salomonis cùm is septingentarum coniugum, & trecētarum pellicum amoribus inserviret, tam

E 3 gra-

tam graues sententias, quales paulò antè recitauimus, profici potuisse?

Non ignoro, sententiam veterum Iudæorum esse, teste sancto Hieronymo in caput primum Ecclesiastæ, librum hunc esse compositum à Salomone post peractam peccatorum pœnitentiam: quam etiam sententiam idem Hieronymus approbare videtur in commentario Ezechielis cap. 43. sed probabiliorem semper existimari sancti Augustini sententiam, qui in Psalmum 126. & alibi sèpè, Salomonem reprobatum à Deo fuisse scribit; quod Scriptura diuina sententiam eius grauissimè reprehendat, nec de pœnitentia aliquid vsquam addat. Si quis tamen priorem sententiam sequi malit, nihil impedio, cùm vtraque sententia ad id, quod modò agimus, deferuiat. Atque hactenus de Ecclesiaste.

SEPTIMA hærefis non dissimilis est superiori; vt enim Philastrius cap. 133. & Iacobus Christopolitanus loco notato scriptum reliquerunt, non defuerunt ex antiquis hæreticis, qui existimârunt, Canticum Canticorum non Spiritu Dei veri, sed Cupidinis afflatu scriptum esse, nihilque aliud eo Cantico comprehendi, quām sermones amatorios Salomonis Regis, & vxoris eius, filiæ Pharaonis. Quocirca prophænum esse Canticum, eaquæ de causa nullum in toto libro Dei nomen inueniri: quod idem Castaloni tribuit Beza, prefatione in Iosue.

At si sponsa illa, quæ his carminibus tantoperè celebratur, filia Pharaonis, id est, potentissimi Regis esset, quām multa ineptissimè à sapientissimo homine dicerentur? An illud Cant. 1. in filiam Regis conuenire potest; Filij matris meæ pugnauerunt contra me, posuerunt me custodem in vicinis: Vineam meam non custodiui? Num etiam illud ibidem; Abi post vestigia gregum tuorum, & pasce hædos tuos? Quid illud ex cap. 5. Inuenerunt me custodes, qui circumueunt ciuitatem, percusserunt me, & vulnerauerunt me? Quid item illud ex capite octavo: Quis mihi det te fratrem meum fugitatem vbera matris meæ, vt inueniam te foris, & deosculer te? Quis credat filiam Regis Ægypti, vel mulierem rusticam, vel sororem Salomonis esse, vel à custodibus murorum vulnerari potuisse.

At

At eadem, quæ alicubi ut rusticana describitur, alibi filia Principis appellatur; Quam pulchri, inquit capite septimo, « sunt gressus tui in calceamentis filia Principis? Et rursum, « quæ cap. 5. vulnerata dicitur à murorum custodibus, eadem cap. 6. terribilis introducitur, ut castrorum acies ordinata. Nimirum hæc est prudètia Spiritus sancti; ut explicaret Deus benevolentiam suam in genus humanum, & quam ardenti caritate per mysterium Incarnationis Ecclesiam, quasi sponsam aliquam, sibi Christus copulauerit, multò autem cani voluit carmen nuptiale.

Vt autem nulla daretur occasio suspicandi, vel filiam Pharaonis, vel aliam certam fœminam, isto carmine laudari, ea de sponsa sua scribi voluit, quæ nulli yni mulieri aptari possent.

Qua etiam ratione factum esse credimus, vt cum sponsæ forma commendatur, & quasi coloribus suis depingitur, ea dicantur, quæ aptissimè quidem in Ecclesiam conueniunt, fœminam verò aliquam dedecorare potius quam ornare possint. Quæ namque esset species eius mulieris, cuius caput esset vastum, ut Carmelus; nasus, ut turris; oculi, ut piscinæ; dentes ut greges ouium detonsarum; ipsa verò tota nigra, ut tabernacula Cedar?

Neque verò illud alienum est, quod ex decem nominibus Dei, quæ passim occurrunt in diuinis libris Testamenti veteris, quæque breuiter explicantur in epistola sancti Hieronymi ad Marcellam, quæ est numero 136. nullum in hoc spirituali epithalamio locum habet. Siquidem in reliquis libris Testamenti veteris, Deus, quod ageret cum synagoga, id est, cum ancilla, identidem se Deum, Dominum, fortem, omnipotentem nominabat: in canticis verò amoris, ubi Dei Filius cum Ecclesia, id est, sponsus cum sponsa colloquitur, meritò ea nomina prætermittit, quæ ad incutiendum terrorem accommodata erant; & solum se sponsum, patrem, amicum, amantem, atque amatum appellat; quæ nomina ad amorem fouendum, vel excitandum pertinent.

OCTAVA hæresis Porphyrij est, de quo ita scribit sanctus Hieronymus, præfatione commentariorum in Daniel: Contra Prophetam Danielē duodecimū librum scribit Porphyrius, nolens eum ab ipso, cuius inscriptus est no-

„mine, esse compositum, sed à quodam qui temporibus Antiochi, qui appellatus est Epiphanes, fuerit in Iudæa: & non tam Danielem ventura dixisse, quām illum narrasse præterita. Denique quidquid usque ad Antiochum dixerit, veram histriam continere: si quid autem ultra opinatus sit, quia futura nescierit, esse mentitum,

Ac, ut omittamus de libro Danielis diuinum Christi testimoniū ex cap. 24. S. Matthæi, quod à Porphyrio non recipitur, scribit Ioseph. lib. II. antiq. cap. 8. Alexandro Magno venienti Hierosolymam, oblatum à sacerdotibus fuisse volumen Danielis, atque eum locum cap. 8. demonstratum, ubi arietem ab hirco, id est, Regem Persarum à Rege Græcorum decūctum ac profligatum iri, Daniel idem & prædicebat & explanabat. Cūm autem Alexander Antiochum annis amplius centum & quinquaginta præcesserit, qua ratione fieri potest, ut is liber Antiochi tempore scriptus fuerit, qui tanto antè Alexandro demonstratus fuit? Quæ verò post Antiochi ætatem in Daniele sequuntur vaticinia, ea non mendacia, ut vult Porphyrius, sed oracula esse verissima, is demum intelliget, qui eos libros diligenter euoluet, quos S. Hieronymus præfatione commentarij in Danielem legendos monet.

CAPVT VI.

*De hereticis, qui libros Testamenti noui
suprà numeratos oppugnârunt.*

ENON A hæresis Euangeliorum libros in vniuersum ferè repudiatur. Auctores huius erroris bifariam dividuntur. Nonnulli enim in ea hæresi sunt, ut neque ab Apostolis, neque ab aliis discipulis Domini scripta esse Euangelia arbitrentur, sed à quibusdam impostoribus, qui multa falsa veris admiscuerint, & tamen hæc sua commenta pro scriptis Apostolicis venditauerint. Ita sensisse atque scripsisse Faustum Manichæum, auctor est S. Augustinus lib. 32. contra Faustum, cap. 2. & lib. 33. cap. 3. Nonnulli verò Euangelia quidem ab Apostolis scripta esse nō negant, sed ea tamen plurimis in locis, vel ipsa secum, vel cum veritate